

司馬府志

原书缺页

原书缺页

配享功臣周文王以鬻熊配武王以召公配成王以周公唐叔配康王以太公畢公配諸書所指未知在今何廟馬志縣東及縣西十五里並有文王成王廟縣北七里有康王廟通志縣北五里有武王廟

文王祠縣志在盤屋縣西南倉谷東

文王廟賈志在同官縣西文王山康熙三十九年修又武王廟在武王山康熙四十二年修

胡公廟縣志在鄠縣西南七里祀陳胡公

已下鄠縣

太公廟賈志在縣城東北隅知縣張宗孟建

韓侯祠馬志在三原縣北門外卽詩大雅所稱韓侯也俗呼爲九郎廟

齊大夫廟高陵縣志在接蜀門西南晏村社相傳晏嬰出使在秦秦人慕其賢爲之立祠

樓觀馮志在盩厔縣東南三十里本尹喜之居有草樓焉後人創立道宮名曰樓觀玉海關令尹傳曰尹喜結草爲樓精思至道周康王聞之拜爲大夫以其樓觀望號此爲關令草樓觀卽觀之始也一云周穆王尚神仙因尹真人草樓在終南山之陰召幽逸之人尹軌杜冲謂之道士居於草樓之所號草樓觀冊府元龜元宗開元十年四月帝夢京師終南山趾有天尊之象求得之於盩厔樓觀之側縣志唐高祖自以系出老氏元宗尊元元皇帝詔改樓觀爲宗聖觀宋端拱三年改順天興國觀元中統元年改宗

聖宮明萬歷間有道士姬東坡者善鼓琴講南華經上嘉其恬寂賜道經二藏龍旂御仗幢旛十六及瑞蓮圖併勞以璽書通志前爲四子堂及文始三清二殿再進則望氣樓其右殿曰景陽有丹井左殿曰寶章後爲宗聖宮宮後林莽翠繞有臺據高岡上曰說經臺元至元二年重修樓殿凌空金碧溢目

以下盤屋唐岑參題樓觀詩草樓荒井閉空山關令乘雲去不還羽蓋霓旌何

處在空留藥日向人間宋蘇軾樓觀詩鳥噪猿呼晝閉門寂寥誰識古皇尊青牛久已辭轅輓白鶴時來訪子孫山近朔風吹積雪天寒落日淡孤村道人應怪遊人衆汲盡階前井水渾又詩門前古碣卧斜陽閱世如流事可傷長有幽人悲晉惠強修遺廟學秦皇丹砂久窖井水赤白木誰燒厨竈香聞道神仙亦相過只疑田叟是庚桑

趙元帥祠碑記在盤屋縣治元帥名公明周時人相傳居

趙大村瓦子岡時黑虎爲民害帥入黑虎谷相遇擒之士

人建祠以祀

高媒祠富平縣志靈泉山巔

秦

長生觀賈志在咸陽縣北二十五里秦始皇二十一年建

已下
咸陽

武安君廟石墨鐫華廟在古杜郵壁間記乾符五年重修

按馬志今廟在縣西五里古杜郵在縣東當另爲一廟

畦時雍勝畧在故櫟陽東北三十里漢郊祀志秦獻公七

年櫟陽雨金獻公以爲得金瑞作畦時櫟陽以祀白帝已下

臨潼

靈臺祠長安志在縣東南秦始皇建又一廟在縣東

按通志驪山東南秦始皇露臺祠在焉不齋戒往者輒
風雨迷道疑卽靈臺祠

晉文公廟賈志在高陵通遠門北公爲公子時出亡秦康
公送至渭陽故有廟高陵

虎侯山祠馬志在藍田漢書秦孝公置已下
藍田

荆軻祠賈志在縣北二十里

鄭國廟賈志韓使國開渠疲秦秦覺欲殺國奏曰渠成誠

萬世利遂赦後建廟于涇陽之洪口堰涇陽

老子祠賈志在盩厔縣東南三十里縣志老子於此說道
德五千言授尹喜有授經臺又曰昇天臺臺上有再生栢
華陽子錄記秦始皇好神仙於尹喜先生樓南作老子廟

晉惠帝元康五年更修葺木萬株連亘七里給戶三百供
洒埽隋金元明屢有修葺通鑑高祖武德七年十月丙子
幸樓觀謁老子祠縣志

本朝康熙二十年知縣章泰重修

宋蘇軾投經臺詩劍舞有神
通草聖海山無事化琴

工此臺一覽秦川小
不待傳經意已空

尹喜祠賈志在老子祠北蓋屋縣志真人尹喜字公文天

水人於聞仙里結草爲樓精思至道著書九篇號關尹子

唐韋莊尹喜祠詩荒原秋殿栢蕭蕭何代風煙占寂寥紫
氣已隨仙丈去白雲空向帝鄉消濛濛暮雨春雞唱漠漠
寒蕪雪兔跳欲問靈蹤無處所十洲空闊閬山遙

密時雍勝畧在渭南縣西南二里漢郊祀志秦宣公作密

時於渭南祭青帝渭南

馬志在富平縣北六十里其一爲頻山神廟在縣

北三十五里又錦屏山亦有廟

富平

孟姜女廟賈志在同官縣北三里金山巖下馬理姜女傳
秦始皇時楚地澧人范喜妻姓姜氏歸三日范赴長城之
役姜女製寒衣往尋范不見遶城而哭聲震地城爲之崩
塵霧中隱見范像女嚙指出血滴骸滲入者知爲夫骨遂
負之歸至同官界宜君山水灣置骸西巖石龕下坐其旁
而逝縣人卽遺骸塑雙像祀之龕中有石隙祠者致誠則
有釵影見示神異焉縣志萬歷二十二年修

同官

王翦廟馬志在耀州治東南百步又州西南二十五里有

頻山神廟

耀州

漢

五嶽廟縣志在長安縣治東南明正統九年都御史陳鑑
修資政錄

初康熙元年總督白如梅復修四年陝西旱巡撫賈漢復
嘉雨有應遂重新之又爲祠祀諸神之功烈在民者乾隆
三十年巡撫湯聘飭屬捐修

已下
長安

五嶽廟不知建置所昉漢郊祀志自秦并天下令祠
官所常奉名山自嶠以東五太室恆山泰山會稽湘山
岷山自華以西七華山薄山嶽山岐山吳山鴻冢瀆山岷
山也漢文帝十三年詔增雍五時明年以超人新垣平
言祠五嶽廟同宇志云五帝爲白青黃赤黑五方

其卽祠五嶽之權輿乎四諸列于漢代後隋唐
都于此例得祠天下名山于封內後世相沿所謂有
舉之莫敢廢也又廟中舊有斷碣中有譚馬邱劉字皆
元時道家也附識于此

泰一壇漢郊祀志亳人繆忌奏祠泰一方曰天神貴者泰
一于是天子令太祝立其祠長安城東南郊

按禮樂志武帝祀太一甘泉在京西北與此泰一不同
渭陽五帝廟漢郊祀志文帝十四年新垣平望氣言長安
東北有神氣成五采于是詔作渭陽五帝廟注廟記五帝
廟在長安東北

太上皇廟黃圖在城中香室街酒池北關中記隋遷都移

廟于皇城開福門外頒政坊

原廟漢叔孫通傳惠帝爲朝長樂宮數蹕煩民築複道武庫南叔孫通曰此高帝月出遊衣冠之道奈何乘宗廟道上行願爲原廟于渭北衣冠月出遊之益廣宗廟大孝之本上乃詔有司立原廟注師古曰原再也高祖已有廟在長安城中

惠帝廟關中記在高廟之西長安志長安休祥坊有顧成廟

景帝廟玉海號德陽

武帝廟玉海號龍淵

昭帝廟玉海號徘徊

宣帝皇考廟漢書元康元年立皇考廟益奉明園戶爲奉明縣

樂遊廟關中記宣帝許后葬長安縣樂遊里立廟曲江池北名樂遊

元帝廟玉海號長壽漢書王莽壞孝元廟更爲文母太后起廟獨留故殿爲文母簪食堂

成帝廟帝王世紀名池陽

按揮塵前錄太祖嘗詔修先代帝王祠廟令太常禮院重定配享功臣檢討儀相畫樣給付漢高帝以蕭何配文帝以周勃陳平劉章宋昌配景帝以周亞夫竇嬰申屠嘉晁錯配武帝以公孫宏衛青霍去病金日磾配宣

帝以丙吉魏相霍光張安世配已上並祀在長安又三輔故事光武至長安見宮闕盡廢宗廟爲墟乃徙都洛陽取十廟合于高祖作十三室太常卿一人別治長安主知高廟事又按自秦一壇以下壇廟基址今並無攷三臺寺通志在縣北二十里有碣書古漢城基名西高廟東漢明帝建明萬歷壬寅修

本朝康熙十二年巡撫杭愛重修

福勝寺通志碑記云在城西南十里漢時創建歲久剝落本朝康熙五十六年修

東嶽廟通志碑記云在咸寧縣東南四十里漢時建元至正間道士劉道慶修明成化間道士楊道彬增修并拓廟

地已下
咸寧

文帝廟長安志在萬年縣東本陵北

宣帝廟長安志在萬年縣東南本陵北

報聖寺東觀奏記宣帝出內藏緡建大中報聖寺長安志
在萬年縣

寶泉寺亦名元安寺明周仲仁碑記寺在縣東南四十里
彭村漢時建于南五臺山頂魏永平中於峯下塑毘盧佛
像增建下寶泉寺于山下泉從竹林寺流至峯下故名唐
時增修元延祐己未公主祥哥剌吉重建泰定四年改峯
泉寺明成化正德間相繼修葺

按府志寶泉寺作唐時建賈志作明洪武年建並誤

興龍寺縣志在孝義里漢時建

丹霞觀賈志在縣治八家巷相傳周亞夫回細柳時建碑

記元至正三年修明嘉靖七年重修

景帝廟賈志在咸陽縣東十五里史記正義括地志曰漢

景帝廟在咸陽東北二十九里

已下咸陽

呂后廟賈志在縣東北三十五里

龍淵廟賈志在縣東北八里祀漢武帝

昭帝廟賈志與龍淵廟相近

鄧侯祠賈志在縣西北三十里東觀漢記永平二年十一

月詔京兆右扶風以中牢祀蕭何出郡錢穀給何子孫在

三里內者悉令侍祠